



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **De Collegiis Canonicoꝝ Per Germaniam, Belgivm, Galliam, Hispaniam, Italiam, Aliasqve Orbis Christiani Prouincias, Liber Singvlaris**

**Le Mire, Aubert**

**Coloniae Agrippinae, 1615**

Capvt XXXVII. Hambvrgense Et Bremense collegia in Germania.

**urn:nbn:de:hbz:466:1-11227**

quarto Hildesheimensium Episcopo; qui primas duas eius loci Abbatissas designasse & uelasse dicitur.

## CAPVT XXXVII.

HAMBURGENSE ET BREMENSE  
*collegia in Germania.*

**S** Ansharius primus Episcopus Bremensis & Hamburgensis, præclarus omnium Aquilonarium regionum Apostolus, sedit in Episcopatu annis triginta quatuor; primùm annis septem Hamburgi, post Hamburgi à barbaris vastationem, annis nouem in Ramfola; reliquis uerò annis Bremæ: ubi in matrice Ecclesia S. Petri sepultus est, in quam S. VVillehadum transtulerat. In primo adolescentiæ flore regulam S. Benedicti professus est in Francia Corbeia. Inde cùm in nouam Saxoniam Corbeiam commigrasset, *Haraldus* Rex Danorum à Ludouico Augusto auxiliũ petijt. Quod ei Imperator promisit, si uellet fidem profiteri Christianam; fidem igitur Rex recepit, quem Imperator de Sacro fonte leuauit, & in filium adoptauit. Dum autem uerque quæreret prædicatorem in Aquilonarem regionem mittendum, uerò sese *Ansharius* obtulit, nihil territus barbaricæ gentis crudelitate. Hac occasione paulò post, cùm Aquilonis regna Diuini uerbi illustrasset prædicatione,

dicatione, magno Episcoporum & Principū habito consensu, consecratus est Archiepiscopus Danorum, Suedorum, Sclauorum, & omnium Aquilonarium regionum, per manus *Drogonis* Præfulis Metensis, auctoritate Gregorij IV. Pape, sede Episcopali in Håburgensi vrbe constituta. Exinde Sanctus pater creditū sibi in gentes legationis officium strenuè obiuit; captiuos redimendo, tribulatos refouendo, domesticos erudiendo, barbaris Euangelizando, foris Apostolus, intus monachus, nūquam visus est otiosus. Frisios quoque adiens, castigauit eos, quòd laborarēt Dominico die, pertinaciū verò agentes, cælesti igne mulctauit. Quia verò diœcesis fructus necessitatibus Archiepiscopi & clericorū eius non sufficebant, Ludouicus Imperator in supplementū & victum adiecit eis monasterium *Thurolt*, situm in Occidentali Gallia, quæ nunc Flāndria dicitur. Ad quod monasterium, persecutione sæuiente, nonnunquam commeans, & fratres spirituali consolatione de dono Dei implebat & nihilominus temporale subsidiū inde reportabat. Quo eodem in loco puerum inuenit *Rembertum*, quem in dicto monasterio institui curauit; institutum, vitæ reliquæ indiuiduum comitem habuit, & in pontificali ministerio successorem. à morte autem Imperatoris, cū filij de ditionibus cruentè digladiarentur, Dani per mare & Albiam euagantes

gantes, Hamburgum vastauerunt. Incluta ciuitas tota aut incendio, aut præda perijt. Ibi Ecclesia, ibi claustrum, ibi Bibliotheca, summo per S. Anscharium studio collecta, consumpta est. Sanctus autem Episcopus cum reliquijs Sanctorum, vix nudus, Ramsolam peruenit. Suo quoque monasterio, quod illius solatio Ludouicus contulerat in Flandria, est destitutus, eò quod cum reliqua Gallia partitione fratrum, in ius Caroli cefsisset quæ postea dixere Caluum. Hinc recedentibus ministris, ob defectum necessariorum, & ob infirmum in Hamburgo contra Barbaros præsidium, vactai Bremensi Ecclesiæ Ludouicus Rex S. Anscharium, secundum Canones præfecit. Aegre tamen eo adduci potuit, ne sui gregis defertor, & alieni haberetur inuasor. Sed paulò post, Regis sollicitatione, Nicolaus Pontifex Bremensem Episcopatum Hamburgensi Metropoli copulauit, ex duabus Ecclesijs attenuatis vnã efficiens an. 850. vt titulus permaneret Hamburgensis, & interiret Bremensis. vtroq; autem in loco Sancti Anscharij natalis summa veneratione percolitur, aut (quod propter fidei oppressionem nunc dicere cogimur) coli solet. Helmoldus presbyter, in Chronicis Slauorum, dicit Magistrum Adam gesta Hamburgensis Ecclesiæ Pontificum disertissimo stilo conscripsisse